



Nuuk 3/3-2016

Ileqqusumik
ataatsimeersuarnissamut aggersaaneq



GrønlandsBANKEN Piginneqatigiiffik ileqquusumik ataatsimeersuartsissaq GrønlandsBANKENip Nuummi Qullersaqarfiani ulloq, 30. marts 2016 nal. 16.00 makkuninnga oqaluuserisassanngortitsilluni:

1. Siulersuisut aningaaseriviup ukiup siuliani sulisimaneranik nalunaarutaat.

2. Ukiumoortumik nalunaarutip kukkunerisiugaasup saqqummiunneqarnera kiisalu kukkunerisiuineri nalunaarutaasut akueritinnissaat aammalu siulersuisut qullersaasullu saqqummiussat akuerineqarnerat tunngavigalugu akisussajunnaartitaanissaat kiisalu sinneqartoorutit qanoq atorneqarnissaannik aaliangiiffigisassamik siunnersuuteqarneq imaluunniit ukiumoortumik nalunaarummi akuerineqartumi amigartooruteqarpat taakku qanoq matussuserneqarnissaanik aaliangiiffigineqartussamik siunnersuuteqarneq.

3. Siulersuisut qanoq akissarsiaqartitsinissamik siunnersuutaat.

Aningaaseriviup suliffeqarfiit qanoq ingerlanneqarnissaannik tunngavissianut inatsisinullu nutaanut naapertuuttumik ingerlatsinerata malitsigisaanik siulersuisut akissarsisiteriaatsip allangornissaa akuerisimavaat ataatsimeersuarnermi akuerisassanngortillugu.

Akissarsiaqartitsinermik ingerlatsineq erseqqissarneqassasoq siunnersuutigineqarpoq, tassani ilanngunneqartussanngorlugu aningaaseriviup pingaaruteqartumik navialiffiusinnaasunik akisussaaffilinnik tiggumisaqartunut ilanngunneqassasoq aningaaserivimmi naatsorsuuserinermi pisortaasoq.

Saniatigullu siulersuisut pisortarluni aaliangersimasuunngitsumik akissarsisitsinissamik isumaqatigiissuteqarsinnaapput isumaqatigiissummi maleruagassiaasumik soraarnermi tunniunneqarsinnaasumik.

4. Aningaaserivimmi piginneqataassutinik pisinissamat pisinnaaffiliisarneq pillugu siulersuisut siunnersuutaat.

Siulersuisut siunnersuutigivaat aningaaserivik piginnaatitsissusilerneqassasoq ukiup tulliani ileqquusumik ataatsimeersuarnissap tungaanut tamakkiisumillu piginneqataassutsit nalingisa 10%iisa iluanni, aningaaseriviup piginneqataassutitut uppersarsaasiai pissarsiarineqarsinnaasasut pisinerup nalaani naliliisarfikkut naliliussaasut atuuttut tunngavigalugit taakku 10%inik qummut ammulluunniit nikissinnaaneri naatsorsuutigalugit.

Piginneqataasunit malittarisassani § 7 tunngavigalugu siunnersuuteqartoqanngilaq.

5. Siulersuisuni ilaasortassanik qinersineq:

Malittarisassani § 13 malillugu tunuartsaapput Kristian Lennert, Frank Olsvig Bagger aamma Anders Brøns.

Siulersuisut siunnersuutigaat Kristian Lennert, Frank Olsvig Bagger aamma Anders Brøns qinerneqaqqissasut.

Qiniggassanngortittut tunuliaqutaannik nassuiaatit aammalu aningaaserivimmi siulersuisunut ilanngunnissaannut tunngavilersuutaasut atuarneqarsinnaasunngorlugit oqaluuserisassani imm. 5-ip ataani takussassiarineqarput.

6. Kukkunerisiuineri avataaneersunik qinersineq.

Siunnersuutigineqarpoq Deloitte, Statsautoriseret Revisionspartnerselskab qinerneqaqqissasoq.

7. Tamalaat.

Ullormut oqaluuserisassat, siunnersuutit tamarmiusut ukiumoortumillu nalunaarut ataatsimeersuarnissaq kingusinnerpaamik ullunik 14inik sioqqullugu takuneqarsinnaasunngorlugit aningaaseriviup, Nuummi Imaneq 33 -imi qullersaqarfiani, saqqumisunngorlugit inissinneqassap-put.

Piginneqataassutinik pillit – kingusinnerpaamilli pingasunngornikkut, ulloq 23. marts 2016 - Nuummi GrønlandsBANKEN-imi ataatsimeersuarnissamat isisutissat oqaluuserisassallu allattorsimaffii pissarsiarisinnaavaat. Atortussanik aamma aningaaseriviup immikkoortortaqarfii aqquutigalugit piniartoqarsinnaavoq.

Ataatsimeersuarnermi peqataanissamat piumasaqaataavoq isisutissap piniarneqarsimanissaa kingusinnerpaamik pingasunngorneq 23. marts 2016.

Maluginiaqquneqarpoq piginneqataasut, kingusinnerpaamik ataatsimeersuarnissaq sioqqullugu aningaaseriviup piginneqataasunik allattuiffiani piginneqataasutut allasimasut imal. piffissaq taaneqartoq pitinnagu piginneqataassutinik pissarsisimanerminnik uppersarsaasiinnaasut kisimik ataatsimeersuarnermi taaseqataasinnaatitaammata. Allanneqarnissamilli piffissallineq atuutinngilaq piginneqataassutinut ateq atorlugu nalunaarsorneqarsimasunut tunniussineq pinnagu allatulli pissarsiarineqarsimasunut.

Aningaaseriviup piginneqataassutitut pigisai 180.000.000 koruuniupput agguataagaallutik aktianut 100 koruunikuutaartut allasimasunut. Aktia 100 koruuninik nalillit allasimasooq ataaseq ataatsimeersuarnermi ataatsimik taasissutissat naleqarpoq.

GrønlandsBANKENip 2015-imut naqitanngorlugu nalunaarusiaa aammalu ataatsimeersuarnissamat sinniisoriumasamat uppersarsaatissat piniarneqarsinnaapput aningaaseriviup Nuummi qullersarfianut allagaqarluni saaffigininnikkut. GrønlandsBANKENip 2015-imut naqitanngorlugu nalunaarutaa aamma atuarneqarsinnaavoq qarasaasiakkut nittartagaq www.banken.gl aqquutigalugu.

Nuuk, ulloq 3. marts 2016

SIULERSUISUT



OQALUUSERISASSAT IMMIKKOORTUT 3-IANNUT ILANNGUSSAQ

GrønlandsBANKEN-ip akissarsisitsisarnermut politikkia

GrønlandsBANKEN-inip akissarsisitsisarnermut politikkia siulersuisunut, pisortamut aammalu sulisorisanut sammitinneqarluni atuutinneqarpoq, suliarisaasut ingerlanneqartut annertuumik aningaaseriviup navialisinnaaneranut sunniuteqarpata (pingaaruteqartumik navialisinnaanermik tigungminnituusut), aammalu GrønlandsBANKEN-imi nakkutillineramik ingerlataqartuusunut.

Akissarsisitsisarnermut politikikkut angorusunneqarpoq aningaasarsiaqartitsinermut ingerlatseriaatsimullu atatillugu GrønlandsBANKEN-imi kimeqarluartumik navialisinnaanermut sammisutigit peqqissumillu aqutsinissamut naapertuuttumik ingerlatsinissaq aammalu peqataanissaq aningaaseriviup piginnittuusa piffissaq sivisoq isigalugu nalinik pigisaminnik qaffakkiartortitsinissaat. Taaneqartut saniasigut akissarsisitsisarnermut politikki suliffeqarfimmik aqutsinermut atatillugu (Corporate Governance) peqataaffigisap inassutigisaanut naapertuuttumik ilusiligaavoq.

Siulersuisut pisortaqarnerlu

Siulersuisunut angissusiligaangitsumik piusunut tapertaliunneqarsinnaasumik akissarsisitsisoqarneq ajorpoq, aningaasarsianut, piginneqataassutsinut, periarfisiisutitut imal. soraarnermusiaqartitsinissanut atatillugu.

Pisortaq isumaqatigiissuteqarnikkut isumaqatigiissutaasoq tunngavigalugu aningaasarsiaqartitaavoq aammalu soraarnermusiassaqaqartitaalluni, ukiumut akiliunneqarluni angalasinnaatitaalluni, bileqartitaalluni oqarasuaateqartitaallunilu. Pisortaq atorfeqartitaanermi ingerlanerani qaavtigut ilanngunneqarsinnaasunik sunilluunniit ajunngitsorsiarisilluniluunniit akissarsisussaataangilaq, siulersuisulli avammut ammasumik saqqummiussugaangitsumik isumaqatigiissummi allanneqarsimanngitsumik aningaasanik iluanaarutissarsisitsisinaavoq. Siulersuisut pisortaq isumaqatigiissusiorfigisinaavaat suliunnaarnersiutissaanut imal. soraarnermut atatillugu aaqqiissusiorqarsinnaasoq soraarnermut atatillugu tigungeqartussanik. Suliunnaarnersiusiassat soraarnermusiassalluunniit nalilersorneqarmerat tunniunneqarmerallu atorfiup qanoq ittuunera, pineqartup utoqqaassusia aammalu piginnaaneqarfigisai kiisalu aningaaserivimmi pisortaanermini pingaarnertut takutitsisimanera tunngavigalugit nalilersorneqartarput.

Navialiffiusinnaasunik pingaaruteqartunik akisussaallutik tigungmisaqartuusut – nakkutiginninnermik suliaqartuusut

Sulisut, aningaaseriviup malunnaatilimmik navialiffiginnaasaanut sammisunik isumagisaqartuusut (navialiffiusinnaasunut akisussaaneermik tigungmisaqartuusut) ataasiakkaat aningaasarsiami qaavisigut, aningaasarsiaqarnikkut, aktiaateqarnikkut, periarfisiissusigaanikkut imal. soraarnermusiassaqaqartitaanermikkut, akissarsisutissanik pissassaqaqartitaangillat. Pisortarli atorfinitsinermi isumaqatigiissusiaasimasut qaavisigut aningaasanik iluanaarutissiisinaavoq avammut saqqummiunneqanngitsunik, Taamatut iliuuseqarfigineqarsinnaassutut inissisimapput aningaaserivimmi immikkut akisussaaffilerlugit inissitaasut aammalu nakkutillineramik suliaqartitaasut taakkumi navialiffiusinnaasunut akisussaaffeqarlutik tigungminnitsitaasuummata, tassanilu ipput aningaaserivimmi pisortap tullia aammalu naat-sorsuserinermi pisortaq.

Tamanut atuuttumik ajunngitsorsiasiisutit

GrønlandsBANKEN-imi atorfeqartitaasunut tamanut, siuliani immikkut navialiffiusinnaasunik imaqartunik suliaqartuusut ilanngunagit, sulerusunnikkut qiim-massaajumalluni aaqqiissummik tamanut atuuttumik aaqqissuussaqaqarnikuvoq, tassani ajunngitsorsiasanik tunniussisoqartarluni sammiviit aaliangiussat, soorlu aningaasaqarnermut sullissallu aningaaserivimmi naammagisimaarinnerat uuttuusiullugit, naammassilluarneqarsimatillugit tunniunneqartartunik. Tassani tunniussinnaasat sulisumut ataatsimut qummut 20.000 koruuninut killiligaapput. 2015-imi sulisumut ataatsimut 8.000 koruuninut tunniussorneqarput. Aaqqis-suusaaq pineqartoq ukiut tamaasa qaqqinneqarluni nalilersuffigineqartarpoq.

Akissarsisitsinissamut ataatsimiititaliaq

GrønlandsBANKEN akissarsisitsinissamut ataatsimiititaliamik pilersitsinikuvoq, siulersuisuni siulittaasumit, siulersuisuni siulittaasup tullianit aammalu sulisut siulersuisunut toqqagaannit ataatsimik inuttaligaasumik.

8. februar 2016

Akissarsisitsinissamut ataatsimiititaliaq

Gunnar í Liða
Siulittaasooq

Kristian Lennert
Siulittaasup tullia

Yvonne Kyed
Siulersuisuni ilaasortaq



OQALUUSERISASSAT IMMIKKOORTUT 5-IANNUT ILANNGUSSAQ

GrønlandsBANKEN-ip siulersuisunut inuttassarsiuinermi aallaavittut tunngaviusumik kissaatigisaa tassaavoq ilaasortat ataatsimut isigalugit aningaasanut tunngasunik naatsorsuutinullu tunngasunik siammassissumik ilisimasaqarnissaat, niuernermik misilittagarnissaat aammalu Kalaallit Nunaanni inuiaqatigiinni pissutsinik sukumiisumik ilisimasaqarnissaat. Siulersuisunut ilaasortassanik nutaanik pissarsiomerit piumasarisaasut taaneqartut malillugit pisarput taamallu aaliangersimasunik suleriaatsinik pituttugaangitsumik ingerlanneqartarlutik.

30. marts 2016 ataatsimeersuarnermi qinerneqaqqittussatut uku inassutigineqarput:

Kristian Lennert, 59-inik ukioqarpoq, Nuummi najugaqarluni.

Ukunani pisortatut issiavoq: Ejendomsselskabet Issortarfik ApS
INUPLAN A/S

Siullermeersumik GrønlandsBANKEN-ip siulersuisuinut qinerneqartoq 2003-mi.

Kristian Lennert, cand.polyt.-itut (sanaartormermi ingeniør-itut) ilinniarsimasuuvog 1984-imiillu INUPLAN A/S-imi atorfeqarsimalluni, 2002-miit piginneqati-giiffimmi pisortatut. Kristian Lennert taaneqartut saniasigut Kalaallit Nunaanni piginneqatigiiffiit siulersuisuini suliaqarmemik misilittagaqarpoq atorfinilu aquti-galugu Kalaallit Nunaanni aningaasaqarniarmemut attuumassuteqartunik inuiaqatigiinnilu pissutsinik ilisimasaqarlualersimalluni, taassuma ataanni aamma illio-rnemut sanaartugassanullu tunngasut eqqarsaatigalugit.

Frank Olsvig Bagger, 45-nik ukioqarpoq, Ilulissani najugaqarluni

Pisortaaffigaa: Ilulissat Radio og TV ApS

Siulersuisuni ilaasortatut issiaffigai: Tankeeraq ApS
Ilulissat Marine Service ApS

Frank Olsvig Bagger-ip Ilulissat Radio & TV 1994-imi aallartippaa. Frank Olsvig Bagger-ilu taamaniilli Kalaallit Nunaanni niuernerp iluaniilersimavoq annertuner-paamik niuertarfiutillit aammali allatut.

Siullermeersumik GrønlandsBANKEN-ip siulersuisuinut qinerneqartoq 2008-mi.

Anders Brøns, 66-inik ukioqarpoq, Nuummi najugaqarluni.

Pisortaaffigai: Polar Seafood Greenland A/S
Narsaq Seafood Aps
Maniitsoq Raajat ApS

Siulersuisuni ilaasortatut issiaffigai: Sigguk A/S
Polar Raajat A/S
Polar Pelagic A/S
Imartuneq Trawl A/S
Uiloq Trawl A/S
Qajaq Trawl A/S
Maniitsoq Raajat ApS
Qalut Vonín A/S
Narsaq Seafood A/S
Polar Seafood Danmark A/S
Ejerforeningen B 2216
Brdr. Siegstad ApS
Polar Salmon A/S
Minikka A/S
Ikka ApS
Grønlands Skibs- og Entreprenærværksted ApS

Anders Brøns niuernermik ilinniarsimasuuvog 1984-imiillu minnerungitsumik Kalaallit Nunaanni avataasiorluni aalisarnermi akulusimalersimalluni, niuertut aammalu Polar Seafood Group-gruppen-imi peqataalersimalluni 1984-imiilli. Kiisalu aalisarnermik ingerlatsisut suliniaqatigiiffianni peqataalersimalluni 1977-imiilli.

Siullermeersumik GrønlandsBANKEN-ip siulersuisuinut qinerneqartoq 1997-imi.